

**Publication/Creation**

July 1953

**Persistent URL**

<https://wellcomecollection.org/works/p3zvfe78>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

state preces fundentibus, & in cordibus nostris dicentibus, cum aliquando zelum, pietatem, feruorem fidei intueremur Maiestatis regiae terræ quidem, ad illam sublimem & cælestem Maiestatem tendentis manus; Domine, quas tuorum preces exaudis, si has ELIZABETHÆ non exaudis? Nihil enim mihi addi posse videtur. Exaudiri principis preces dubium non est, quum inde sanitas sequatur, & certitudinem euentuum admiratio consequatur.

De certitudine euentuum, & effectuum admirabilitate.

Cap. 8.



Tsi profecto totum hoc charisma persuasissimum fides Christiana & ratio, testatissimum experientia, & complurium rectè sentientium consensio reddit, haud tamen abs re fuerit aliquibus euentis comprobare, & exemplis domesticis quibus abundamus corroborare id ipsū. Sunt autem eius generis infinita propemodum, si omnia velim numerando percensere, & libellorum ratio incunda est: libellorum dandorum (inquit Augustinus) quibus notitia harum rerum gigneretur, erat suis temporibus noua consuetudo, & prætereunda non est sine ingrati animi vitio, & aduersus Deum & hominem, summis certè votis exopta-

exoptauerim, vt sanitatum præstitarum memoria asseruaretur, nomina & cognomina scriptis consignarentur, & posteritati commendarentur: nihil enim pulchrius quàm monumentis mandare præclarè facta, nihil turpius quam eiusmodi notitias cum hominibus interire, nihil scœdius quam factorum benè, & laudabiliter gratiam perire, quid est pietas nisi voluntas grata in parentes? & quæ grator esse debet quàm in parentem patriæ? qui sunt boni ciues, qui de principe bene merentes, nisi qui patriæ ac principis beneficia meminerunt? qui sancti, qui religionis colentes nisi qui meritam Deo immortaligratiam iustis honoribus & memori mente persolunt? Abs quicquid homine beneficium accipere gaudeamus, abs principe verò immortaliter lætari debeamus. Quare non est committendum, vt vel indigni, vel victi beneficio tam præstanti esse videamur. Custodiendum igitur est memoria nostra quicquid salutis accipimus à principe: Permulti autem salutem consequuti sunt, quos omnes enumerare necessarium haud esset mihi breuitatem consecranti, honorarium fortassis esset, & scribendi multi essent commentarij. Ex diuersis regni prouincijs confluxere, vt requirerent morbi medelam ex familijs nobilium, ingenuorum, tenuiorum oriundi, omnis ætatis, sexus, ordinis pro salute supplices facti; ex agris ac pagis, ex municipijs, ex hac vrbe Londino nullis laboribus sumptibusque pepercerunt, vt co-

ram